

甯陵縣志卷之十二

雜志

志有綱有目奚雜之云蓋不可以強爲類也志以雜名固宜

養濟院

造化之缺帝王補之何以補之曰發政施仁夫仁政之行豈獨制田里教樹畜導妻子使各養老哉卽剖胎殺天陽木陰木尺計寸計纖悉不留餘憾而孟氏指文王仁政曰先此煢獨非加厚也凡仁心之惻然

重刻甯陵縣志

卷之十二

雜志

一

易動者莫先於此耳甯文王乎而肯使其怨饑啼寒於天地間乎是未可畧也養濟院舊在舊倉之前嘉靖二十六年知縣陳炫移倉於縣治內遂以其地爲養濟院四十五年知縣熊秉元改爲社倉更置養濟院於東關東嶽廟之西濶六丈八尺長十三丈三尺南至官街西至劉甲第東北二邊俱至東嶽廟共地一畝二分八釐五毫七絲內起房屋貧老居住

義塚

掩骼埋胔澤及枯朽凡皆古聖王積德累仁之至而

識者以爲此卜世卜年之基焉然則今之人苟能踵先王之意而行之吾知其後之必昌矣安得不敬誌之爲好義者勸義塚二十八處共地一百四十五畝四分九釐永除差稅其在官者官爲四樹以木其在民者民爲四樹以木待其成材如有死不能葬者方許稟官給與堪用者木一株其原捐主伐其枝幹者不禁若無干小民輕自取用者各以擅伐盜伐問如律

官置 舊七處共地三十一畝五分四釐

重刻甯陵縣志

卷之十二 雜志

一一

漏澤園 在北門堤外迤西百餘步地七分四釐東至李宗善南至劉志道西至徐雲漢北至李永

新

東關路北 地五畝東至成汝玉南至官路西北二至胡大慎

東關南古堤 地四畝一分六釐東南二至大路西至孫朝綱北至成汝玉包廷恩

縣西南古堤 地三畝九釐東至郭珣南至吳澄西至曹三省北至大路

西關南古堤 地六畝一分五釐東至華思英南至郭珣西至大路北至王之佐

西關路北 地五畝南至官路東至黃家猷基西北二至俱解繹

張弓集 舊爲鄉厲壇今爲孤魂壇共地七畝四分南至張有用西至華興東北二至俱張九經

官置 新三處共八畝

本省按察司驛傳道程澇捐俸銀三兩買到縣東五里堡官路南來五野居民李杜民地三畝東至王生岐西至秦蘭北至官路南至賣主

本省布政使司副理問李國瑜捐俸銀三兩買到西關外官路南崇三野居民喬化民地二段三畝南一段一畝中長三十六步寬六步四尺五寸北一段二畝長三十三步寬十四步三尺東至喬宏鎮西至喬宏鎮南至大路北至小官路

本縣知縣王永亨捐俸銀三兩買到五里堡官路南來六野居民何子智民地二畝東至賣主西至黃家南至賣主北至官路寬十六步長三十步

義施 十八處共地一百五畝九分五釐

東關路南 地十三畝四分東至王繼濂北至官路西南至王倫捐主王夢陽

東關路北 地五畝五釐西至張相東南北俱至捐主黃德純

東三里河 地十畝北至官路西至王汝教東南二至俱捐主王倫

唐城村 地五畝四至俱捐主李舒芳

趙村集 地六畝東西二至大路南北二至俱捐主黃克壯

永甯集 地六畝東至申庚南至曹汝厚北至官路西至捐主李吉李文成

石橋集

地五畝東南二至大路西至胡仕北至捐主劉甲第

桃園集

地三畝喬崑捐又地三畝喬嵐捐東至趙華西至趙吉北至大路南至捐主

七星村

地四畝張守遇捐又地四畝張守魯捐東北二至吳漢西至張惟精南至捐主

柳河集

地三畝北至大路東西二至宋時卿南至捐主楊鶴成進瑤

土樓村

地六畝西至黃屋北至黃管東南二至俱捐主解純

東十里鋪

地五畝南至官路東西北三至俱捐主李文蘭

鞋城村

地五畝北至宋成名東南西三至俱捐主張四維

圈子村

地六畝四至俱捐主曹希閔曹汝厚曹汝弼

邏崗集

地四畝東至段竹西至翟冲北至党玘南北二至俱捐主翟煦

重刻甯陵縣志

卷之十二

雜志

四

孔家集

地三畝西至孫田北至周卿東南二至俱捐主孔貞震

三丈村

地十一畝南至黃朗西至孫鎰北至大路東至捐主黃屋黃卷

約坊村

地三畝東至于蕃西至李朋北至大路南至捐主王時

藥局

良醫之功與良相等謂能生全人而不至于夭傷也雖然醫非無良者第小民艱于貲用而偶罹疾病因循不治以至於卒不可療者不知凡幾然則施藥之效不更與帝王蠲租發粟之效有相埒者耶甯陵舊有藥局在縣治大門之外舊時本縣擇醫一名歲給

藥材銀三二十兩檢方合劑貧民不至於待死而今
則廢焉吏斯土者何以得稍有餘貲而修舉之亦豈
非爲 國家蕃育黎庶之一術耶而不知有志焉而
克逮者之爲誰也

災祥

謹按春秋繁露洪範五行紀災異而必求其應至不得其應而遂強求以合之穿鑿附會往往然矣夫天地人物 鈞陶於一氣中陰陽消長剛柔健順好惡盈謙吉凶禍福勾萌菀枯胎卵濕化以及自無之有自有之無者亦孰得而紀極而有無相傳之隙又孰從而窺其迹擬其象以求其或有所合然以爲必無所合也則又不可石之隕也鷓之飛也商羊之起舞也鳳之巢也麟之遊也景星芝草也兩岐之生也熒

惑之退也詩書所稱豈其誣焉而第不得以必求其合者成穿鑿附會之失且亦思春秋之書法顧亦各有所用心哉其在僖也一歲而三書不雨而其書宣也曰冬大有年使後世讀其文思其人而深得其用意之有在而孔子微顯闡幽之意夫亦可以深長思矣如謂爲人牧者不必論奏災傷之事也是亦矯董子劉氏之失而過焉者

漢本始四年四月地震

魏甘露四年黃龍二見甯陵井中羣臣稱賀魏主髦曰

龍君德也上不在天下不在田而困於井非嘉兆也
作潛龍詩以自諷司馬昭見而惡之未幾果有成濟
之禍

晉咸平二年八月庚辰地震

隋文帝幸岱嶽甘露降於甯陵之西五里今甘露嶺之
地是

唐咸通二年秋七月大旱至明年六月始雨

宋淳化五年秋雨水害稼

乾德二年大風雨雹傷民田禾

重刻甯陵縣志

卷之十一

雜志

一一

金大定二十年河決衛州瀾漫歸德甯陵等處

二十七年命各州路及甯陵等縣長貳官皆提舉河
防事

延祐元年河決汴梁路睢州以東衝開河口數十居
民被災甚

元貞元元年八月河決甯陵

順德六年五月大水

大德二年秋七月大雨河決漂甯陵田廬禾稼

三年五月河決浦口漂沒甯陵等縣傷民十之五

泰定二年夏月縣堂東南隅生靈芝一本明年秋月
復生靈芝二莖

明正德九年夏黑青自東南來多魘魅人轉相驚旬日
始息春有妖在文廟拆殿廡以瓦擊人觀音寺更甚
秋八月有妖自田中衣秫葉出而逐人鄉邑大恐乃
手印石灰於門鳴鞭鎮之其患乃息

嘉靖六年六月大蝗黍稷一空七年歲大饑民多流
散

十五年丁墻堦有皂角樹枯死後五年復生花實倍

常

十八年有蟲傷菽盡大水歲饑民相食死者徧野

十九年大疫有闔門死者

二十二年河決漂沒民居

三十年大風拔樹木桃李冬花

三十一年有白鵲來巢於邑東十里鋪之樹六年乃
去

三十五年十二月夜地震

三十六年四月雨雹

四十年大霾雨菽實及菽皆陳朽

四十二年二月大震電雨雪

四十三年邏崗集趙士昆之妻一乳三男皆育

九月李實大如櫻桃

萬曆三十一年司寇呂公題壁之辭曰癸卯年殺人
天瘟疫死一半麥秋盡水渰挑河苦累死天災又那
堪兩淚向誰落肉食人不覺自隆慶至萬曆天啟共
計六十餘年災異屢見續志失考迄今老成彫謝事
無確據僅蒐得呂公書壁數語以志災異餘不敢附

重刻甯陵縣志

卷之十二

雜志

四

會傳訛闕文之意耳

崇禎十二年蝗

十三年歲大饑人相食盜賊蠡起晝不敢行死者徧
野

十四年大疫有闔門死者村落一空

國朝順治七年五月初二日未時雨雹其大如杵如拳
如雞蛋者城北麥禾盡傷樹葉無存原野望若隆冬
十三年二月初十日午時星隕初白氣自東北來如
雷聲墜於縣治之西南城隅郭甫明家屋墻內形如

大銀錠非石非鐵重五十四兩體熱經宿申報具

題貯庫

順治十六年大雨連三月有餘陸地成河禾稼盡沒

民不聊生

康熙元年七月霪雨彌月大水傷禾

康熙七年六月地震如雷二十六日又震

二十四年大水傷禾稼

二十七年大雨連旬田禾湮沒殆盡

兵革

按甯邑縱橫六七十里耳非有大兵革也其互見於鄰封者不必書據舊志傷及城池百姓者悉採入以誌變

明嘉靖元年萊蕪道王鏜至境多所殺掠

三十二年柘城賊帥尙詔掠境有戰死者

十五年正月袁時中賊圍甯陵攻城焚毀民居三日不克解去

三月大寇李自成圍汴梁不克移兵寇歸德過甯陵

重刻甯陵縣志

卷之十二

雜志

一

城陷垣堞拆毀

十七年七月許定國圍甯陵攻打十餘日不下典史劉達才率城中義勇奮死出戰遂解去

十月初四日黃武舉暗投許定國潛兵破甯陵掠劉典史至睢州殺之定國分老八隊一營守甯陵次年正月高傑兵至歸德黃武舉又背定國逐老八隊復甯陵至府見傑邀功傑惡其反覆斬其首傳於定國人皆稱快焉

國朝順治五年七月二十日縣東北趙村集有惡棍董

林宇等叛北結河朔李化鯨爲亂內結劣衿于潤爲
應劫鄉村人衆夜寇甯陵焚掠東關署縣事郡糧廳
楊桂英率衆登陴禦之手亦不用命者二人衆始定
內應懼其威亦不敢發黎明賊逃散郡中官兵進剿
平之

陵墓

淮南王謂周墓之模色得其正模取諸此孔墓之楷質得其直楷取諸此余思二木而非生於周孔之墓則亦與凡木等耳於模楷之義何居故陵墓之有志非所志者之真堪不朽縱漫列之奚裨耶必若褒聖侯董呂二公以及孝女烈婦皆與周孔之道有相發者以其墓傳諸邑乘足令後之人或者望松楸而肅然以敬或者聞流風而勃然以興雖無有模楷而模楷存焉若但曰敬誌厥墓俾無敢樵採而已則小之

重刻甯陵縣志

卷之十二

雜志

一

乎視陵墓之志已作陵墓志

褒聖侯墓

在縣北二十五里楮堦村詳見藝文志碑記舊有祭田十四頃有奇

董公墓

在縣北三十里詳見藝文志碑記

呂司寇墓

在縣西北十三里鞋城村明勅修見人物志司寇傳

解孝女墓

在縣城南古甯城基見藝文志事見人物志邑人李若星題石

喬烈婦墓

在縣北三里事見人物藝文志

黃烈婦墓

在縣西關外路北事見人物志詩見藝文志邑人李若星題石

王老百歲墓

在縣南八里邑人李若星題石詩見藝文志

胡烈婦墓

在縣東十里暢家店南